



O‘ZBEKISTON RESPUBLIKASI
SUV XO‘JALIGI VAZIRLIGI
BUYRUQ

2022-yil “20” sentyabr

176-sonli

Toshkent sh.

**Korrupsiyaviy xavf-xatarlarni
majburiy aniqlash va baholash
uslubiyotini tasdiqlash to‘g‘risida**

O‘zbekiston Respublikasi Prezidentining 2022-yil 11-maydagi “Davlat boshqaruvi sohasida korrupsiyaviy xavf-xatarlarni bartaraf etish mexanizmlarini takomillashtirish va ushbu sohada jamoatchilik ishtirokini kengaytirish chora-tadbirlari to‘g‘risida”gi PQ-240-sonli qarorining 1-bandi topshirig‘iga muvofiq O‘zbekiston Respublikasi Korrupsiyaga qarshi kurashish agentligi tomonidan ishlab chiqilgan va 3383-raqam bilan davlat ro‘yxatidan o‘tkazilgan Davlat hokimiyati va boshqaruvi organlari, shu jumladan, ularning hududiy bo‘linmalari, davlat unitar korxonalari va muassasalari, davlat ulushi 50 foizdan yuqori tashkilotlarning (keyingi o‘rinlarda-davlat tashkilotlari) faoliyatida korrupsiyaviy xavf-xatarlarni majburiy aniqlash va baholash Uslubiyotini vazirlik va uning tasarrufidagi respublika va tizim tashkilotlarida samarali tashkil etish maqsadida

BUYURAMAN:

1. O‘zbekiston Respublikasi Korrupsiyaga qarshi kurashish agentligi tomonidan ishlab chiqilgan va 3383-raqam bilan davlat ro‘yxatidan o‘tkazilgan Davlat hokimiyati va boshqaruvi organlari, shu jumladan, ularning hududiy bo‘linmalari, davlat unitar korxonalari va muassasalari, davlat ulushi 50 foizdan yuqori tashkilotlarning (keyingi o‘rinlarda-davlat tashkilotlari) faoliyatida korrupsiyaviy xavf-xatarlarni majburiy aniqlash va baholash Uslubiyoti *rahbarlik va ijro uchun qabul qilinsin.*

2. O‘zbekiston Respublikasi Suv xo‘jaligi vazirligi va uning tasarrufidagi respublika va tizim tashkilotlari faoliyatida korrupsiyaviy xavf-xatarlarni majburiy aniqlash va baholash Uslubiyoti *ilovaga muvofiq tasdiqlansin.*

3. Qoraqalpog‘iston Respublikasi Suv xo‘jaligi vazirligi, viloyatlar irrigatsiya tizimlari havza boshqarmalari, vazirlik tasarrufidagi respublika va tizim tashkilotlari rahbarlariga:

mazkur buyruq qabul qilingan kundan boshlab O‘zbekiston Respublikasi Suv xo‘jaligi vazirligi va uning tasarrufidagi respublika va tizim tashkilotlari faoliyatida korrupsiyaviy xavf-xatarlarni majburiy aniqlash va baholash Uslubiyotini joriy etish;

korrupsiyaviy xavf-xatarlarni majburiy aniqlash va baholash Uslubiyoti bo‘yicha amalga oshirilgan ishlar haqida har chorak yakuni bilan vazirlikka yozma ravishda axborot taqdim qilish vazifalari topshirilsin.

4. Ichki audit va komplayens nazorat boshqarmasi boshlig'i X.Umirzoqov va Yuridik boshqarma boshlig'i R.Sharopov O'zbekiston Respublikasi Suv xo'jaligi vazirligi va uning tasarrufidagi respublika va tizim tashkilotlari faoliyatida korrupsiyaviy xavf-xatarlarni majburiy aniqlash va baholash Uslubiyotining ijrosi haqida har chorak yakuni bilan O'zbekiston Respublikasi Korrupsiyaga qarshi kurashish agentligiga ma'lumot taqdim qilib borsin.

5. Mazkur buyruqning ijrosini nazorat qilish vazirning birinchi o'rinbosari A.Nazarov zimmasiga yuklansin.

Вазир



Ш. Хамраев

Suv xo'jaligi vazirligi va tizim tashkilotlarida davlat ulushi 50 foizdan yuqori tashkilotlar faoliyatida korrupsiyaviy xavf-xatarlarni aniqlash va baholash

USLUBIYOTI

Mazkur Uslubiyot Suv xo'jaligi vazirligi va tizim tashkilotlarida, davlat ulushi 50 foizdan yuqori tashkilotlarning (bundan buyon matnda Suv xo'jaligi vazirligi va tizim tashkilotlari deb yuritiladi) faoliyatida korrupsiyaviy xavf-xatarlarni aniqlash va baholash tartibini belgilaydi.

1-bob.Umumiy qoidalar

1.Suv xo'jaligi vazirligi va tizim tashkilotlarining faoliyatidagi korrupsiyaviy xavf-xatarlarni aniqlash va baholashning maqsadlari quyidagilardan iborat:

Suv xo'jaligi vazirligi va tizim tashkilotlarining korrupsiyaviy xavf-xatarga eng ko'p duch keladigan vazifa va funksiyalarini aniqlash hamda korrupsiyaviy xavf-xatar yuqori bo'lgan lavozimlar ro'yxatini shakllantirish;

korrupsiyaviy xavf-xatarlarni bartaraf etish bo'yicha chora-tadbirlarni ishlab chiqish.

2.Korrupsiyaviy xavf-xatarlarni aniqlash va baholash quyidagilar ishlab chiqilishini nazarda tutadi:

korrupsiyaviy xavf-xatarlar xaritasi;

korrupsiyaga qarshi kurashish bo'yicha dastur;

korrupsiyaviy xavf-xatar yuqori bo'lgan lavozimlar ro'yxati;

korrupsiyaga moyil bo'lgan munosabatlar elektron reestri.

3.Ushbu Uslubiyotda quyidagi asosiy tushunchalar qo'llaniladi:

korrupsiyaviy xavf-xatar—shaxsning o'z mansab yoki xizmat mavqeidan shaxsiy manfaatlarini yoxud o'zga shaxslarning manfaatlarini ko'zlab moddiy yoki nomoddiy naf olish maqsadida qonunga xilof ravishda mavjud sabab va sharoitlarda korrupsiyaviy xatti-harakatlarni sodir etish ehtimoli;

korrupsiyaviy xavf-xatarlar xaritasi—faoliyatida amalga oshiriladigan vazifa va funksiyalar (jarayonlar) bilan bog'liq yuzaga kelishi mumkin bo'lgan korrupsiyaviy xavf-xatarning tavsifi va darajasi, funksiyalarni (jarayonlarni) tartibga soluvchi mexanizmlar, funksiyalarni (jarayonlarni) amalga oshirishga mas'ul bo'lgan lavozim, korrupsiyaviy xavf-xatarlarni bartaraf etish choralari, qoldiq korrupsiyaviy xavf-xatar darajasi, korrupsiyaviy xavf-xatarni bartaraf etish choralari amalga oshirishga mas'ul ijrochilarni o'z ichiga olgan hujjat;

korrupsiyaga oid huquqbuzarlik—korrupsiya alomatlariga ega bo'lgan, sodir etilganligi uchun qonunchilikda javobgarlik nazarda tutilgan qilmish;

korrupsiyaviy xavf-xatarlarni baholash– Suv xo‘jaligi vazirligi va tizim tashkilotlarining faoliyatini (vazifa va funksiyalarini) tahlil qilish, mavjud korrupsiyaviy xavf-xatarlarni aniqlash va ushbu xavf- xatarlar darajasini baholash bo‘yicha faoliyat;

qoldiq xavf-xatar–aniqlangan korrupsiyaviy xavf-xatarni bartaraf etish yuzasidan belgilangan choradan keyin saqlanib qoladigan xavf-xatar;

maxsus bo‘linma–Suv xo‘jaligi vazirligi va tizim tashkilotlaridagi korrupsiyaga qarshi ichki nazorat tuzilma;

ishchi guruh–korrupsiyaga qarshi ichki nazorat tuzilmalari mavjud bo‘lmagan Suv xo‘jaligi vazirligi va tizim tashkilotlarida korrupsiyaviy xavf-xatarlarni baholash uchun tuziladigan xodimlar tarkibi.

4.Suv xo‘jaligi vazirligi va tizim tashkilotlari tomonidan korrupsiyaviy xavf-xatarlarni baholash har yili 1-martga qadar amalga oshiriladi.

5.O‘zbekiston Respublikasi Korrupsiyaga qarshi kurashish agentligi tomonidan (bundan buyon matnda-Agentlik deb yuritiladi) Suv xo‘jaligi vazirligi va tizim tashkilotlarining korrupsiyaviy xavf-xatarlarini baholash va bartaraf etish borasidagi faoliyatini takomillashtirish, ushbu yo‘nalishda kamchiliklarning oldini olish bo‘yicha ko‘rsatmalar berilishi mumkin.

2-bob.Korrupsiyaviy xavf-xatarlarni aniqlash va baholashni tashkil etish

6.Korrupsiyaviy xavf-xatarlarni aniqlash va baholash Suv xo‘jaligi vazirligi va tizim tashkilotlari tizimiga kiruvchi barcha tarkibiy va hududiy bo‘linmalarni qamrab olishi lozim.

Bunda, korrupsiyaviy xavf-xatarlarni aniqlash va baholash maxsus bo‘linma yoki ishchi guruh tomonidan amalga oshiriladi.

7.Ishchi guruh a‘zolari Suv xo‘jaligi vazirligi va tizim tashkilotlarining tarkibiy bo‘linmalari rahbarlaridan iborat tarkibda tashkil etiladi.

Suv xo‘jaligi vazirligi va tizim tashkilotlarining birinchi rahbari tomonidan ishchi guruh tarkibi tasdiqlanadi hamda uning faoliyati muvofiqlashtiriladi.

8.Korrupsiyaviy xavf-xatarlarni aniqlash va baholashda Suv xo‘jaligi vazirligi markaziy apparatining maxsus bo‘linmasi (ishchi guruh) tomonidan quyidagi vazifalar amalga oshiriladi:

korrupsiyaviy xavf-xatarlarni aniqlash va baholash bo‘yicha ishlarni tashkil etish va muvofiqlashtirish;

Suv xo‘jaligi vazirligi va tizim tashkilotlarining korrupsiyaviy xavf-xatarlar xaritasini ishlab chiqish;

Suv xo‘jaligi vazirligi va tizim tashkilotlarining korrupsiyaga qarshi kurashish bo‘yicha dastur loyihasini ishlab chiqish;

Suv xo‘jaligi vazirligi va tizim tashkilotlarining tuzilmasiga kiruvchi tashkilotlar va uning hududiy bo‘linmalari tomonidan ishlab chiqilgan korrupsiyaviy xavf-xatarlar xaritasi va korrupsiyaga qarshi kurashish bo‘yicha dastur loyihalarini ko‘rib chiqish va ularni takomillashtirish yuzasidan takliflar berish;

Agentlik va jamoatchilik tomonidan berilgan takliflar asosida Suv xo‘jaligi vazirligi va tizim tashkilotlarining korrupsiyaviy xavf-xatarlar xaritasini va

korrupsiyaga qarshi kurashish bo'yicha dastur loyihasini takomillashtirish.

9.Suv xo'jaligi vazirligi va tizim tashkilotlarining tuzilmasiga kiruvchi tashkilotlar va uning hududiy bo'linmalaridagi maxsus bo'linma (ishchi guruh) quyidagi vazifalarni amalga oshiradi:

korrupsiyaviy xavf-xatarlarni aniqlash va baholash ishlarini tashkil etish;
korrupsiyaviy xavf-xatarlar xaritasini va korrupsiyaga qarshi kurashish bo'yicha dastur loyihalarini ishlab chiqish.

3-bob.Korrupsiyaviy xavf-xatarlarni aniqlash va baxolash tartibi

10.Maxsus bo'linma (ishchi guruh) tomonidan Suv xo'jaligi vazirligi va tizim tashkilotlari faoliyatining (vazifa va funksiyalarining) tavsifi ushbu Uslubiyotning 1-ilovasiga muvofiq shaklda tuziladi.

11.Suv xo'jaligi vazirligi va tizim tashkilotlari faoliyatidagi (vazifa va funksiyalardagi) korrupsiyaviy xavf-xatarlar ichki va tashqi axborot manbalari asosida aniqlanadi.

12.Ichki axborot manbalari quyidagilardan iborat:

Suv xo'jaligi vazirligi va tizim tashkilotlari faoliyatining (vazifa va funksiyalarining) huquqiy asosi;

ichki tekshiruv materiallari, shu jumladan xizmat tekshiruv materiallari;
odob-axloq komissiyasi majlislarining yig'ilish bayonnomalari;

korrupsiyaga qarshi kurashish ishlarining monitoring natijalari;

maxsus bo'linma (ishchi guruh) tomonidan Suv xo'jaligi vazirligi va tizim tashkilotlari faoliyati (vazifa va funksiyalari) yuzasidan o'tkazilgan so'rovnomalar, shu jumladan sotsiologik tadqiqotlar natijalari va boshqalar.

13.Tashqi axborot manbalari quyidagilardan iborat:

Suv xo'jaligi vazirligi va tizim tashkilotlari faoliyati to'g'risidagi huquqbuzarliklar to'g'risidagi murojaatlar (xabarlar) va statistik ma'lumotlar;

Agentlik yoki boshqa davlat tashkilotlari tomonidan davlat tashkiloti faoliyati (vazifa va funksiyalari) yuzasidan o'tkazilgan so'rovnomalar, shu jumladan, sotsiologik tadqiqotlar natijalari;

huquqni muhofaza qiluvchi organlar tomonidan taqdim etilgan materiallar va boshqalar.

14.Maxsus bo'linma (ishchi guruh) Suv xo'jaligi vazirligi va tizim tashkilotlarining faoliyatidagi (vazifa va funksiyalaridagi) korrupsiyaviy xavf-xatarlarni aniqlashda quyidagi holatlar tahlil qilinishi lozim:

Suv xo'jaligi vazirligi va tizim tashkilotlarining xodimi tomonidan sodir etilgan korrupsiyaga oid huquqbuzarlik;

Suv xo'jaligi vazirligi va tizim tashkilotlari tomonidan faoliyatini (vazifa va funksiyalarini) amalga oshirishda jismoniy va yuridik shaxslar uchun sun'iy to'siqlarning mavjudligi;

o'z vaqtida qaror qabul qilmaslik, asossiz tezkor tartibda qaror qabul qilish;

hujjatlar, elektron ma'lumotlar bazalariga bila turib yolg'on ma'lumotlarning kiritilishi;

xizmat vakolatlarini amalga oshirishda manfaatlar to'qnashuvi;

15.Suv xo'jaligi vazirligi va tizim tashkilotlaridagi (vazifa va funksiyalaridagi) korrupsiyaviy xavf-xatarlarning darajasi quyidagi o'lchovlarda baholanadi:

past;

o'rta;

yuqori

16. Maxsus bo'linma (ishchi guruh) tomonidan korrupsiyaviy xavf-xatar darajasiga baho berish mazkur Uslubiyotning 2-ilovasidagi mezonlar asosida amalga oshiriladi.

4-bob. Korrupsiyaviy xavf-xatarlarning darajasini bartaraf etish choralari

17.Korrupsiyaviy xavf-xatarlarni bartaraf etish choralari quyidagi shakllarda amalga oshirilishi mumkin:

normativ-huquqiy hujjatlar hamda ichki idoraviy hujjatlar loyihalarini ishlab chiqish;

inson omilini qisqartirish va davlat tashkiloti faoliyatini (vazifa va funksiyalarini) raqamlashtirish, shaffoflikni ta'minlash, jamoatchilik nazoratini yo'lga qo'yish;

Suv xo'jaligi vazirligi va tizim tashkilotlari faoliyatini (vazifa va funksiyalarini) tartibga solish choralari ko'rish;

Suv xo'jaligi vazirligi va tizim tashkilotlari xodimlari va jismoniy shaxslar o'rtasida to'g'ridan-to'g'ri aloqani maksimal darajada cheklash;

rasmiy veb-sayt va boshqa ommaviy axborot vositalarida davlat tashkiloti tomonidan amalga oshirilayotgan davlat xaridlari to'g'risidagi ma'lumotlarni joylashtirish va tarqatish;

davlat xizmatlarini ko'rsatish jarayonini soddalashtirish, asossiz cheklovlarni, ortiqcha ma'muriy tartib-taomillarni bekor qilish, byurokratik tartibga solish mexanizmlarini yo'q qilish, taqdim etilgan hujjatlar soni va qaror qabul qilish muddatlarini qisqartirish;

Suv xo'jaligi vazirligi va tizim tashkilotlari tomonidan korrupsiyaga qarshi kurashishga qaratilgan tushuntirish ishlarini amalga oshirish, profilaktik suhbatlar o'tkazish, ishonch telefonlari va aloqa kanallarida targ'ibot ishlarini amalga oshirish;

xodimlarning korrupsiyaga qarshi kurashish va manfaatlar to'qnashuvini boshqarish bo'yicha ichki hujjatlarga har kuni, o'zaro va to'liq rioya qilishlarini nazorat qilish.

Suv xo'jaligi vazirligi va tizim tashkilotlari korrupsiyaviy xavf-xatarlarni bartaraf etish bo'yicha qonunchilik hujjatlariga zid bo'lmagan boshqa chora-tadbirlarni ham amalga oshirishi mumkin.

18.Korrupsiyaviy xavf-xatarlarni bartaraf etish bo'yicha mazkur Uslubiyotning

16-bandida belgilangan choralardan kelib chiqib, qoldiq xavf-xatar darajasini baholash mazkur Uslubiyotning 2-ilovasidagi mezonlar asosida amalga oshiriladi.

19.Suv xo'jaligi vazirligi markaziy apparatining maxsus bo'linmasi (ishchi guruhi) tomonidan mazkur Uslubiyotning 3-ilovasiga muvofiq shaklda markaziy

apparatning korrupsiyaviy xavf-xatarlar xaritasi loyihasi ishlab chiqiladi.

20.Suv xo‘jaligi vazirligi va tizim tashkilotlari tuzilmasiga kiruvchi tashkilotlar va uning hududiy bo‘linmalari tomonidan ushbu Uslubiyotning 3-ilovasiga muvofiq shaklda korrupsiyaviy xavf-xatarlar xarita loyihalari va mazkur Uslubiyotning 4-ilovasiga muvofiq shaklda korrupsiyaga qarshi kurashish bo‘yicha dastur loyihalari ishlab chiqiladi.

Bunda, mazkur loyihalar davlat tashkiloti markaziy apparatining maxsus bo‘linmasiga (ishchi guruhiga) umumlashtirish uchun taqdim qilinadi.

21. Suv xo‘jaligi vazirligi markaziy apparatining maxsus bo‘linmasi (ishchi guruhi) tomonidan davlat tashkiloti faoliyatidagi (vazifa va funksiyalaridagi) korrupsiyaviy xavf-xatarlarni aniqlash va baholash natijalari asosida davlat tashkilotining umumlashtirilgan korrupsiyaviy xavf-xatarlar xaritasi ishlab chiqiladi va “Eanticor.uz” elektron platformasiga har yili 1-fevralga qadar kiritiladi.

22.Suv xo‘jaligi vazirligi markaziy apparatining maxsus bo‘linmasi (ishchi guruhi) tomonidan “E-anticor.uz” elektron platformasida joylashtirilgan korrupsiyaviy xavf-xatarlar xaritasiga asosan avtomatik ravishda quyidagi hujjatlar shakllantiriladi:

davlat tashkilotining korrupsiyaga qarshi kurashish bo‘yicha dasturi;

davlat tashkilotining korrupsiyaviy xavf-xatari yuqori bo‘lgan lavozimlari ro‘yxati.

5-bob. Korrupsiyaga moyil bo‘lgan munosabatlar elektron reestrini shakllantirish va yuritish tartibi

23.Agentlik tomonidan “E-anticor.uz” elektron platformasida joylashtirilgan davlat tashkilotlarining korrupsiyaviy xavf-xatarlar xarita loyihalari asosida avtomatik ravishda korrupsiyaga moyil bo‘lgan munosabatlar elektron reestri shakllantiriladi.

24.Korrupsiyaga moyil bo‘lgan munosabatlar elektron reestri loyihasi Agentlik tomonidan jamoatchilik muhokamasidan o‘tkazish uchun o‘n besh kundan kam bo‘lmagan muddatga “E- anticor.uz” veb-saytiga joylashtiriladi.

25.Agentlik jamoatchilik muhokamasi natijalari bo‘yicha umumlashtirilgan takliflarni muhokama yakunlangan kundan boshlab o‘n kun ichida “E-anticor.uz” elektron platformasi orqali davlat tashkilotiga yuboradi.

26.Suv xo‘jaligi vazirligi markaziy apparatining maxsus bo‘linmasi (ishchi guruhi) Agentlik va jamoatchilik tomonidan berilgan takliflar asosida Suv xo‘jaligi vazirligi va tizim tashkilotlarining korrupsiyaviy xavf-xatarlar xaritasi hamda korrupsiyaga qarshi kurashish bo‘yicha dasturi loyihalarini takomillashtiradi.

27. O‘zbekiston Respublikasi Suv xo‘jaligi vaziri har yili 1-martga qadar korrupsiyaviy xavf-xatarlar xaritasi hamda korrupsiyaga qarshi kurashish bo‘yicha dasturini “E-anticor.uz” elektron platformasi orqali tasdiqlaydi.

6-bob. Yakuniy qoidalar

28.Mazkur Uslubiyot talablari buzilishida aybdor bo‘lgan shaxslar qonunchilik hujjatlarida belgilangan tartibda javobgar bo‘ladi.

**O‘zbekiston Respublikasi Suv xo‘jaligi
vazirligi va tizim tashkilotlarida davlat
ulushi 50 foizdan yuqori tashkilotlar
faoliyatida korrupsiyaviy xavf-xatarlarni
aniqlash va baholash uslubiyotiga 1-ilova**

Suv xo‘jaligi faoliyatining (vazifa va funksiyalarining)
TAVSIFI

| T/r | Funksiya nomlanishi | Funksiya doirasida bajariladigan jarayon | Jarayonlarni amalga oshirish uchun javobgar shaxslar (uning F.I.O. hamda lavozimi) |
|-------------------------------------------------------|--------------------------------|-------------------------------------------------|---------------------------------------------------------------------------------------------------|
| 1. Davlat tashkilotining nomi | | | |
| 1.1. Davlat tashkilotining tarkibiy bo‘linmasi | | | |
| 1.1.1. | | | |
| | | | |
| | | | |
| | | | |
| | | | |
| | | | |
| | | | |
| | | | |

**O‘zbekiston Respublikasi Suv xo‘jaligi
vazirligi va tizim tashkilotlarida davlat
ulushi 50 foizdan yuqori tashkilotlar
faoliyatida korrupsiyaviy xavf-xatarlarni
aniqlash va baholash uslubiyotiga 2-ilova**

**Korrupsiyaviy xavf-xatar darajasiga baho berish bo‘yicha
MEZONLAR**

| Korrupsiyaviy xavf-xatar darajasi | Mezonlar |
|------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Yuqori* | davlat tashkilotining faoliyati (vazifa va funksiyasi) avtomatlashtirilmagan davlat tashkilotining faoliyati (vazifa va funksiyasi) tartibga solinmagan nazoratsiz tartibda ish joyida jismoniy yoki yuridik shaxslar bilan to‘g‘ridan-to‘g‘ri aloqa qilish imkoniyati mavjud davlat tashkilotining faoliyati (vazifa va funksiya) doirasida qarorni loyihagini tayyorlashda, ko‘rib chiqishda va qabul qilishda bir shaxs ishtirok etishi davlat tashkilotining faoliyatini (vazifa va funksiyani) bajarishda korrupsiyaviy xatti-harakat sodir etilgan (jinoyat sodir etilganligi sud tomonidan tasdiqlangan) |

| Korrupsiyaviy xavf-xatar darajasi | Mezonlar |
|------------------------------------------|---------------------------------------------------------------------------------------------------------------------------------------------------------------------------------------------------------|
| O‘rta* | davlat tashkilotining faoliyati (vazifa va funksiyasi) qisman avtomatlashtirilgan |
| | davlat tashkilotining faoliyati (vazifa va funksiyasi) qisman tartibga solingan |
| | nazorat tartibida ish joyida jismoniy yoki yuridik shaxslar bilan to‘g‘ridan-to‘g‘ri aloqa qilish imkoniyati mavjud |
| | davlat tashkilotining faoliyatini (vazifa va funksiyani) doirasida qarorni loyahasini tayyorlashda, ko‘rib chiqishda va qabul qilishda ikkita shaxs ishtirok etishi |
| | davlat tashkilotining faoliyati (vazifa va funksiyasi) bajarishda korrupsiyaviy xatti-harakat sodir etilganligi to‘g‘risidagi ma’lumot mavjud (jinoiyat sodir etilganligi sud tomonidan tasdiqlanmagan) |
| Past** | davlat tashkilotining faoliyati (vazifa va funksiyasi) to‘liq avtomatlashtirilgan |
| | davlat tashkilotining faoliyati (vazifa va funksiyasi) to‘liq tartibga solingan |
| | jismoniy yoki yuridik shaxslar bilan to‘g‘ridan-to‘g‘ri aloqa qilish imkoniyati mavjud emas |
| | davlat tashkilotining faoliyati (vazifa va funksiyasi) doirasida qarorni loyahasini tayyorlashda, ko‘rib chiqishda va qabul qilishda uch va undan ortiq shaxs ishtirok etishi |
| | korrupsiyaviy xatti-harakat va korrupsiyaviy xatti-harakat sodir etilganligi to‘g‘risidagi ma’lumot mavjud emas |

***Maxsus bo‘linma (ishchi guruh) tomonidan davlat tashkilotining faoliyatida (vazifa va funksiyasida) aniqlangan xavf-xatarning yuqori yoki o‘rta darajada deb baholash davlat tashkiloti rahbari bilan kelishgan holda amalga oshiriladi.**

****Davlat tashkilotining faoliyatida (vazifa va funksiyasida) aniqlangan korrupsiyaviy xavf-xatar darajasini baholashda, agarda past darajadagi mezonlarning biri mavjud bo‘lsa, o‘sha korrupsiyaviy xavf-xatar darajasi past darajada deb baholanadi.**

O‘zbekiston Respublikasi Suv xo‘jaligi
vazirligi va tizim tashkilotlarida davlat
ulushi 50 foizdan yuqori tashkilotlar
faoliyatida korrupsiyaviy xavf-xatarlarni
aniqlash va baholash uslubiyotiga 3-ilova

“TASDIQLAYMAN”
Suv xo‘jaligi vaziri
Sh.R.Xamrayev
2022-yil “__” sentyabr

ni faoliyatidagi korrupsiyaviy xavf-xatarlarning XARITASI

| T/r | Korrupsiyaviy xavf-xatarning tavsifi | Korrupsiyaviy xavf-xatarning darajasi (past, o‘rta, yuqori) | Funksiyalarni (jarayonlarni) amalga oshirishga mas’ul bo‘lgan lavozim | Funksiyalarni (jarayonlarni) tartibga soluvchi mexanizm | Korrupsiyaviy xavf- xatarlarni bartaraf etish choralari | Qoldiq korrupsiyaviy xavf-xatar darajasi (past, o‘rta, yuqori) | Mas’l ijrochilar |
|-----------|---------------------------------------------|-------------------------------------------------------------|-----------------------------------------------------------------------|---------------------------------------------------------|---------------------------------------------------------|----------------------------------------------------------------|------------------|
| | 1. Tarkibiy bo‘linmaning nomi* | | | | | | |
| 1. | 1. Davlat tashkiloti funksiyasi nomi | | | | | | |
| | 1. Funksiyaga oid munosabat nomi | | | | | | |
| | 1. Jarayon nomi | | | | | | |
| | | | | | | | |
| | 2. Jarayon nomi | | | | | | |
| | | | | | | | |
| | 2. Tarkibiy bo‘linmaning nomi* | | | | | | |
| 2. | 1. Davlat tashkiloti funksiyasi nomi | | | | | | |
| | 1. Funksiyaga oid munosabat nomi | | | | | | |
| | 1. Jarayon nomi | | | | | | |
| | | | | | | | |
| | 2. Jarayon nomi | | | | | | |

**O‘zbekiston Respublikasi Suv xo‘jaligi
vazirligi va tizim tashkilotlarida davlat
ulushi 50 foizdan yuqori tashkilotlar
faoliyatida korrupsiyaviy xavf-xatarlarni
aniqlash va baholash uslubiyotiga 4-ilova**

**Suv xo‘jaligi vazirligining korrupsiyaga qarshi kurashish
DASTURI**

| T/r | Korrupsiyaviy xavf-xatarlarni bartaraf etish chora-tadbirlari | Amalga oshirish mexanizmi | Ijro muddati | Ijro uchun mas’ullar |
|------------|--------------------------------------------------------------------------|----------------------------------|---------------------|-----------------------------|
| | | | | |
| | | | | |